



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-03-04-12553-42/19
Sarajevo, 05.10.2020. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnica Neira Dizdarević je na 25. Radnoj sjednici Skupštine Kantona Sarajevo, održanoj dana, 18.05.2020. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovnikom Skupštine Kantona Sarajevo, postavila slijedeće zastupničko pitanje:

“Molim vas da me obavijestite o poduzetim radnjama na formiranju Registra osoba sa invaliditetom gdje poseban značaj imaju osobe sa teškoćama u razvoju. Registar treba biti osnova za uspostavljanje efikasnog sistema zaštite osoba sa invaliditetom i osnova za obračun troškova zaštite, te također predstavlja osnovu za mrežu dnevnih centara za djecu sa teškoćama u razvoju.”

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Neire Dizdarević, koje je sa pažnjom razmotreno u okviru ovoga ministarstva i na koje dajemo slijedeći odgovor:

Javna ustanova “Kantonalni centar za socijalni rad” (u daljem tekstu: Kantonalni centar) u skladu sa Uputstvom o vođenju evidencije o korisnicima i pruženim uslugama u javnim ustanovama (“Službene novine Kantona Sarajevo” broj 34/05) vodi evidenciju, između ostalog, i o osobama i djeci sa invaliditetom koji su ostvarili neko od prava po osnovu invalidnosti odnosno oštećenja organizma. Što se tiče konkretno djece, Kantonalni centar raspolaže podacima o vrsti invaliditeta, stepenu invaliditeta, dobi i spolu djece koja su ostvarila prava.

Nadalje, u skladu sa Pravilnikom o utvrđivanju preostale sposobnosti i razvrstavanju djece i omladine ometene u psiho-fizičkom razvoju (“Službene novine Kantona Sarajevo” br. 26/08, 05/12,



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



04/15 i 04/18) o djeci i omladini koji su razvrstani u skladu sa istim, evidenciju vodi služba socijalne zaštite prema prebivalištu osobe/djeteta koje je razvrstano, a svi podaci o djetetu sa nalazom i mišljenjem se unose u matičnu knjigu i službe donose rješenja o ocjeni sposobnosti i razvrstavanju. Međutim, predmetni podaci se ne objavljuju javno jer se radi o ličnim podacima, a imajući u vidu Zakon o zaštiti ličnih podataka ("Službeni glasnik Bosne i Hercegovine" br. 49/06, 76/11 i 89/11).

Iz svega navedenog je vidljivo da Ministarstvo za rad, socijalnu politiku, raseljena lica i izbjeglice Kantona Sarajevo, odnosno Kantonalni centar, shodno važećim zakonskim i podzakonskim aktima, vodi evidencije o osobama i djeci sa invaliditetom koji su ostvarili neko od prava po osnovu invalidnosti, ali da ovo ministarstvo nema uspostavljen jedinstveni registar djece sa poteškoćama u razvoju i sa invaliditetom.

Također, Ministarstvo, putem uvida u sistem SOTAC, te u Jedinstveni registar gotovinskih naknada na koje se ne uplaćuju doprinosi Federalnog ministarstva rada i socijalne politike, ima pregled korisnika koji prava ostvaruju kao osobe sa invaliditetom u Kantonu Sarajevo i prava koja su ostvarili po osnovu invalidnosti.

Sa druge strane, imajući u vidu cjelokupni sistem zaštite djece i osoba sa invaliditetom u našem društvu, smatramo da sveobuhvatne i relevantne podatke o djeci sa poteškoćama u razvoju i sa invaliditetom može eventualno imati nadležni sektor zdravstva koji problem u razvoju djeteta i invaliditet može detektovati po rođenju djeteta ili ga ustanoviti nešto kasnije, i to za svu djecu koja imaju određenu poteškoću neovisno o stepenu invaliditeta i bez obzira na prava ili usluge koja ostvaruju, a kao što je to slučaj u sektoru socijalne zaštite.

Imajući u vidu navedeno, smatramo da se sistem može uspostaviti i na način ostvarivanja saradnje sa Ministarstvom zdravstva Kantona Sarajevo sa ciljem uspostavljanja rane detekcije i rane intervencije kod djece sa poteškoćama u razvoju. Na ovakav način bi se djeca pravovremeno i adekvatno tretirala kroz sistem zdravstvene zaštite, te eventualno ostvarivala druge propisane vidove zaštite, a kroz sistem bi se imala evidencija sve djece kod kojih je detektovana određena poteškoća ili invaliditet, što bi omogućilo kreiranje adekvatnih politika zaštite ove djece i njihovih porodica.

I pored svih navedenih realizovanih aktivnosti Ministarstva, a imajući u vidu činjenicu da su djeca sa poteškoćama u razvoju i djeca sa invaliditetom izuzetno osjetljiva kategorija stanovništva, ovo ministarstvo je uvijek spremno, da se u okviru svoje nadležnosti, dodatno uključi u multiresorne aktivnosti na potpunijem sistemskom uređenju njihove zaštite, što se u konkretnom slučaju odnosi na uspostavljanje jedinstvenog registra djece sa poteškoćama u razvoju i djece sa invaliditetom.

S poštovanjem,

Pripremila: Smaragda Lučkin, stručni savjetnik

Kontrolisala: [ime] [prezime], po ovlaštenju, pomoćnica ministrice

Dostavljeno:

1. Naslovu,
2. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
www.tuv-thuringen.de
ID 15 100 63666